

閩南游記初編

通園
署檢

地831
917

圖整庫

潮安陳宗鑑著

閩南游記初編

南海于廷琛題



小巔紫雲齋書

正美十一首題

閩南遊記初編自序

余素性耿介寡合每當賓朋雜遝談論縱橫輒枯坐遐思幾若置身局外惟遇山巔水涯流連忘返遇故老談遺聞軼事更默識焉而不厭求詳人或以冷僻譏或以好古許弗顧也去秋遠別庭闈薄遊漳浦足跡所經凡山巔水涯遺聞軼事都爲腦海所未曾印入者隨意記之絡繹附入家書中不過欲以遊子之行蹤上達老親之逃聽耳久之積稿甚夥歸里後六弟劍香哀集成冊知好傳觀慙慙付梓念少承庭訓雖嘗窺詩書藩籬然頻年奔走四方學殖荒落此種覆瓿文字烏足污大雅之目况世界大通環遊地球不足自豪閩南偏隅祇滄海之一粟耳既乏名山大川足登覽以自廣凡所記載多屬興居瑣事里巷閒談又奚足問世而行遠耶顧雪中爪印鴻雖去而蹟留鑪內心香煙雖消而篆在則是編雖拉雜不文亦聊誌遊踪云爾民國八年雙十節衡甫陳宗鑑序於蒼城公廨之芟秋草堂

序文一

夫所謂遊記者豈徒侈記載之繁誇遊覽之勝哉必將斟酌沿革蒐探險要於以

閩南遊記初編

序

廣州東雅印務有限公司承印

覘地學驗史才此固非拘膺醒齷之子所能髣髴其萬一也閩南爲瀕海區凡夫道里關隘水程沙線以及民風習俗皆宜隨時究心者徒以滄桑改變人事日非弔古傷今此情又烏容已耶衡甫淵源家學宦遊漳浦蓋富於史才而深於地學者也所著有閩南遊記初編其尊人潛園光生屬爲點定索序於余余奚敢以不文辭案遊記篇中有詳有畧體例昭晰其大者皆扼形勢之要其小者不遺事物之微如觀風喜雨重農事也鞠獄驗屍慎民命也尋碑攷古闡幽思也討逆上書抒忠憤也其他登山測海讀史錄詩皆所以擴識見而陶性情也凡所載筆瞭若指掌以視筠仙之紀程默深之圖志叔敬之使槎錄吳綺之風物記固有過之無不及者吾知斯編一出無不奉爲南鍼矣抑余更有進者方今內訌外侮疆土日蹙政治屢難陸沈可慮他日棟梁宙合砥柱中流實行救時政策者當以此爲左券衡甫其有意乎是爲序南海適園于廷琛獻芝氏拜撰

序文二

衡甫君者潛園先生之第三子也少聰敏善讀父書負用世才清季南遊粵省習

法學三年學成歸志益壯戊午秋有閩南之行至則考風俗察民情以及山川險要物產土宜一一研究編輯成書名閩南遊記衡君之意深矣哉然閩南其小焉者也衡君年方壯前程遠大他年觀光上國遊歷環球眼界之增廣其著作美備將有百十倍於閩南者潛園益大慰矣衡君勉乎哉書成借讀一徧謹誌數語而歸之龍溪伏叟王道正少斌甫叙

序文三

余與衡甫交有年矣衡甫事親孝取友端蓋兼精明渾厚而有之歲辛亥長潮陽縣民政下車伊始革陋規蘇民困固一良吏也嗣以法學未卒業爲憾卸職歸校繼續三月而學成入廣州法院實習旋執行律師職務不濫受理凡受理者必根據法理由不平而劑其平使污吏貪官不能上下其手故他人理之而敗訴者君着手終操勝算丁巳冬今瓊崖鎮守使沈公克復潮汕時權理潮循道尹余與君同居幕府見君措施咸宜益深佩之公旋率師討龍君奉令清理金山學產戊午秋冬之交應湘陰任少將招與次兄猶存君聯袂渡閩道經漳浦縣長周君留爲

閩南遊記初編

序

一一

廣州東雅印務有限公司承印

總務科長及承審員旋去職游歷龍溪廈門各屬考察地方利病道路險夷與夫民俗政治軍事之狀況具有心得方欲遍歷八閩發紆奇趣乃因事返轍歸潛園佐芷雲老伯重訂龍泉巖詩集付諸剞劂今年夏月余攝開平縣篆貽書勸君來遊君復攜六令弟劍香至出閩南遊記初編相示編中有原有委有筆有書含其英而咀其華識其大而畧其小其於辦事之精明處足見一斑而援引先正名言尤有哀矜勿喜之意記爲劍香所手抄墳篋協律雁行時隨既見友于之肫篤亦可見潛園老人之家學道範已余詢命名爲初編之意君謂前與任少將約今春擬再渡閩預期有續編出現乃因眷戀庭闈而不果則俟諸他日亦無不可特先將此編付梓以誌鴻雪因緣乞余序爰撮君概畧弁諸首民國八年己未秋月愚如兄李唐介丞甫謹序

序文四

余自丙辰歸國頗厭世紛謝絕交遊蟄居蛇渚世既棄君平余乃樂得其適獨蓬洲潛園主人時以詩來間有唱和然神交有年而未嘗晤面也本年夏潛園忽過

我廬譚次覺其謙冲和藹之氣與其平昔所爲詩同則信乎詩根於性情者矣同日識三哲嗣衡甫甚雋逸閒致其來有自而潛園之家風得想見焉日者潛園以書來屬爲衡甫叙遊記始知衡甫曾從政於閩且有治蹟惟全書余未見也閱其例言能注意於農事與鞠獄二宗余因之有所感今天下之最無告者非畝畝之農民與戴盆之冤民耶世方以爲魚肉而衡甫思有以拯拔之則衡甫必能愛民也中國未可以言法治居官而能愛民便是好官衡甫能爲好官斯不忝潛園之家風矣余故述其緣遇而叙之己未初秋杜寶珊叙於汕頭公學

序文五

民國丁巳余主汕頭英國貝理書院講席兼任觀潮報撰述衡甫亦來汕組織民魁報並校勘其尊人龍泉巖詩文集付之手民余朝夕過從商榷字體審訂魯魚見其人丰神秀逸談吐風雅蓋彬彬乎有文有質之君子也時局變遷君從軍閩南余亦改館張氏音問久不相聞每一思惟想見虎帳談兵囊弓橐矢軍書旁午擘畫勤勞當無暇爲學士文人事業也頃者千里惠書以其所著閩南遊記凡例

閩南遊記初編

序

三

廣州東雅印務有限公司承印

見示而索余爲序斯真出人意表矣念自內訌迭起漳潮首當其衝風鶴飛騰民不安業歲月悠悠余也別無撰述而大集所成反出自參贊戎機者之手昔者太平之役吳南屏與曾滌生書自稱材薄質衰不敢圖附青雲猶冀以寬閒無虞之歲月盡意文字間紀述歌謠稍盡見聞悲喜之實今則世變紛騰而余材尤薄既弗能圖附青雲又不克盡意文字青氈坐困碌碌未奇思我良朋撫茲大集殊令人慚慙無地也又烏敢爲一辭之贊哉是爲序民國八年中元後少斌謝建中序

序文六

蓋聞仁山智水賢者亦自好遊學海詞源男兒會當作健劉迅有五篇行世淳風著三志救時豈徒觀風南國詩賦甘棠遊宦西陲書傳赤雅已哉吾友衡甫陳君嶺海名家潮州志士稟植鱗之靈質蘊吐鳳之奇才君陳之孝友兩全曾參之忠恕一貫孔鯉趨庭畢竟淵源家學仲由入室能兼法律專門其人玉立其氣雲凌知北在懷圖南有志攬轡而切澄清之願顧此風塵擊楫而誓恢復之言有如江水愴世事於龍華小劫寧非生佛慈悲訪知音於羊石同人本是少年磊落既而

道德感人精誠動物戎行參贊已受知於沈公總務權宜旋應聘於周令家住蓬瀛官遊漳浦相如諭蜀民樂爭迎李叟入關人思膜拜春風滿座謝安真入幕之賓明月當門摩詰亦能詩之客星言夙駕騁馬足而省耕風化潛移泯鼠牙之速訟槐廳舉酒有時喜兩名亭竹樓焚香或者橫經默坐况復偷三接之光陰圖參河洛歷三邊之險要地感滄桑鄙炎奮筆十七便作州書草述補遺一手勒成國史記囚四十二縣聽若應生賦粥六百餘人明如陸續能誌方物盡博覽於張華兼紀圖書歎觀止於吳札言外有中和之氣行間作金石之聲八風賴其宣揚雕鏤意匠四瀆憑其吞吐纂入文樞既擅史才尤精地學固已望高儕輩允宜名動羣公僕南園讀史北郭尋詩爲儒臬則董綬自慙作山賊而謝公未許十年閉戶惜歲月之蹉跎三載同堂喜文章之商榷竊笑陰山不過勅勒難吟西域未通婆駝莫解得仲長灞岸之篇恨不早焚筆硯看越石扶風之作幸能盡咀英華羨君東海攜來袖中有石知我國風讀去座右當銘中華民國八年己未秋九月同學弟梁江伯彭氏謹序

凡例

一古文無日記體例論者謂權輿於李習之來南錄及歐陽永叔于役志近世郭筠仙侍郎有使西紀程曾劄剛襲侯薛叔耘廷尉有出使日記大抵詳於西國情形間抒議論茲編就見聞所得隨意筆記間援史乘引名言街談巷議亦述一二

一書中詳畧不一或數日總記或一二日無所記悉仍其舊以昭覈實因有時公務冗繁有時精神怠倦若必按日湊成殊失虛贅也

一軍事消息及其計劃因守秘密刪去間述一二揭爲商人之言不足據也

一途中地名無暇考正故多從俗稱

一鞫獄志其要者鼠牙雀角之爭概置不錄

一風雨陰晴無關緊要若必逐日詳記殊嫌複沓今依薛氏四國日記之例畧誌在途天氣平居有雨亦誌之因與農事有關也

一詩之意在勗勉及叙閩南風土民情者皆一一附錄至 椿庭得孫唱和諸詩

閩南遊記初編

凡例

廣州東雅印務有限公司承印

本屬家庭之事然詩中多與閩遊有關亦並附存

閩南遊記初編

潛園主人鑒定

潮安陳宗鑑衡甫氏著



中華民國七年十一月二日記

夏間卸清理金山學產差執行律師職務潛心政法書報中鈎深索隱靜極而悶客有以壯遊請者輒怦然心動於時護法軍轉戰八閩勢張甚舊侶或參戎幕或縮兵符咸有洗甲南都之氣任介眉少將以電抵余約爲漳州之遊遂於是日結伴行矣偕行者猶存次兄及任佳眉君希齡也南北兩軍虎踞漳廈間壁壘森嚴勢難飛渡乃間道入閩險阻艱難所不計已清晨附輪往黃岡饒平屬也更進二十里有分水關爲閩粵交界處號稱險要閩粵軍曾劇戰於此亟欲一覘形勢考其勝敗之迹輪名南海八句鐘開行是日天朗氣清波平如鏡悄立船頭怡然自得午後四時停輪謂已抵詔安之宮口分水關不及縱觀矣距縣城二十里向通舟楫今則因潮退難達乃登陸徒步日暮始抵仙塘鄉恐入歧途決投宿於此鄉民疑懼深拒勿納後幸有涂柳者出爲招待始得下榻所

閩南遊記初編

廣州東雅印務有限公司承印

三日記

東道招待殷勤臨行贈以銀毫廿枚食物少許卽由仙塘步行至縣城八里佳眉訪友久候未回入謁朱文公祠席地而坐旋往滇軍四十一團部用膳團長周甘塵君朝宗周旋殊欵十一時乘輿式陋而組織簡單疊氈爲褥張傘蔽日如控衛然沿途瀏覽風景俯仰自由不覺心曠神怡矣經百洲橋羊尾嶺嶺高多石級又經鳳山嶺赤嶺亦均高峻下午四時許抵梅洲此處爲詔安富庶之區惟路政不修蕪穢滿目計距縣城已四十里矣自入閩界峯巒起伏隨地異名人民生活程度甚低風俗則質樸無華較潮爲勝是晚寄宿小學校中聞鄉外演劇遂同次兄往觀劇二種似潮班而衣飾不及婦女妝飾古拙復多黧黑者乃購食物少許而還是夜續凳作床引繩爲柱然無蚊蟲之侵擾酣眠達旦云

四日記

清早從人司庖而次兄監督之兄謂日來有如吃素今得許多蔬饌當可飽其老饕矣是日擬往雲霄縣城僅四十五里故得從容不迫九時首途經小碰大碰油

柑三嶺油柑嶺爲詔安雲霄交界處中途步行十里命從人乘輿以免過勞三時許抵縣城見知事謝君派員導住客棧就樓上席地而臥旅次無聊閱隨園詩話並將在梅洲所寫家稟付挑夫帶至詔安投郵

五日記

黎明起程輿雖無遮蔽較前舒適多矣經渡頭嶺登嶺憩破廟中啖水果餅餌以解飢渴旋抵盤陀嶺高峻冠沿途諸山蓋古戰場也乃下輿步行越嶺後重上輿抵漳浦縣城時夕照掩紅炊煙如縷風景絕佳知事爲周君詠康號伯煊湖南湘陰人舊友也留任總務科長兼承審員職務次兄則爲財政科員念軍事擾攘暫駐亦得晚餐饌極豐美飯已有以糾衆毆搶奔控者余爲提驗本邑風氣閉塞鞫獄一沿勝朝舊制火籤刑杖羅列滿案間有用刑責者不知三木之下何求不得余惟虛衷鞫訊嚴密偵查不喜用之
此行在途計四日除水路不計外陸路約二百里踰山越嶺跋涉殊甚幸久慣征塵不覺苦也

閩南遊記初編

六日記

午後往驗路斃屍首向例無主死人相驗尤須詳慎乃積久玩生有司意存規避每以無人告發而忽之輒不臨驗逕准地保收埋因此而鮫鱷漏網泉壤含冤者所在多有余則力矯此弊相驗時慎而又慎不敢稍有疎畧也回署批閱公牘畢具函報親友比釋筆已午夜矣着枕夢入華胥景頗幽勝不足爲外人道也

七日記

十時起自首途至今天氣均晴和可愛飯後料理案牘極忙精神欠佳時覺畏寒夜擁被讀漢書其論獄犴不平引仲尼之言曰古之知法者能省刑本也今之知法者不失有罪末矣又曰今之聽獄者求所以殺之古之聽獄者求所以生之與其殺不辜寧失有罪今之獄吏上下相驅以刻爲明諺曰鬻棺者欲歲之疫非憎人欲殺之利在於人死也今治獄吏欲陷害人亦猶此矣語極深切著明特引而出之余往歲聽訟頗以明決自負浸淫不變他日恐流入酷吏一派讀此而溫慈和惠之心生焉

八日記

晨起閱史記貨殖傳其論九有之風氣人心與地理之關係言之極詳因思漳南山嶽峻峙其民感受強毅之氣磅礴樸厚然進化亦因此阻滯浦邑土壤肥饒富生產力人民親睦任恤有古人風而劫殺爭奪之事較他邑寡韓非所謂富歲之秋過客必餉孟子所謂富歲多賴凶歲多暴者職是故也

九日記

余於書吏不稍假以詞色咸惴惴奉公堂規肅然午後抱病往舟市社驗屍先是朱蘇氏狀稱伊女野娘青年孀守被夫兄程開等迫嫁聚毆沈水身亡叩請蒞驗隨即提訊帶同書吏人等乘輿往驗先抵行館被告鄰右均遠颺躲匿研訊告訴人及地保畢親入屍屋屍仰臥地上膨脹發變旋至井邊池塘細看始蒞驗屍場筋擡屍近案如法相驗驗得朱野娘左肋拳傷一處不致命委係生前受傷落水身死准予收埋聽候續拘被告訊辦命駕返署社鉅縣三里附北郭鄉村也所控致死之由不盡不實訪諸輿論有謂係溺井自斃者案情已得八九被告獲案當

閩南遊記初編

可判決矣

十四日記

十日至十三日精神仍欠佳勉强用膳照常辦公是日體復原矣奉家諭言初八早此函付郵時適接兩兒由雲霄寄來家稟查此稟係初一晚交人帶往詔安直至一星期始到家殊不可解也諭中有詩五首敬錄於左

九月廿九日送次三兩兒渡閩

潛園主人

當年是我宦遊地錦繡江山似昔不文教昌明占豹變武功超卓建鴻猷流亡安輯干戈後雨露沾濡枕簟秋漳浦名臣誰繼軌故家喬木夕陽樓

次兒任漳浦縣財政科員勗之以詩

潛園主人

理繁治劇戶常扁休付濂溪兩眼青廉吏奉公須潔己郵人傳信報添丁簿書錢穀雲生牖酒賦琴歌月滿庭千里辭家博升斗仲由負米仰前型

三兒任總務科長兼承審員勗之以詩

潛園主人

于公吏治早知名我尙虛懸汝實行讞案須憐民疾苦排衙未許氣縱橫聖朝

狴犴無冤獄周室騶虞有正聲一別練江經七載老夫傾耳聽輿評

十月初七日得孫衍泐吟奇旅閩次兒

潛園主人

臨歧拜別太匆匆商定嘉名笑語同雁訊如傳神女電雞聲高唱大王風是夜

風極竹環子舍平安報五孫衍溪痘疹初愈桐長孫枝氣象雄學易假年無大過六爻從

此妙旁通衍泐就大兒統系則第六

庾嶺花開梅結子名園芥老煎生兒乾明上壽逢佳節宋太宗以十月七日為

於是日蒙養開端趁少時盜賊聞聲驚鼠竄是晚賊擬竊資生堂藥室適吾家

親朋拱手祝鴻禧喜同伯氏懸弧日共醉瓊筵酒一卮長男與先妣同生辰今

是時姪輩為吾兄祝

十五日記

縣民有稟訴法警騷擾者此輩皆勝朝皂隸有所挾持警長四十而法警倍之恃不呈繳大戶米騷擾滋甚每一票行傳有需索至百數十元者嚴懲之則聯同罷業戶米無從徵收有司以國課攸關無如之何也當徐圖禁革之方為浦邑除一

閩南遊記初編

四

廣州東雅印務有限公司承印

糶政

十六日記

黃昏赴邑紳黃競神君寶忠之謙周君已先在座饌極豐盛惜味太濃且久坐神倦也回署後詢係本署厨役所辦需費十二金云

十八日記

是日微雨十一時地震不甚烈午後赴賞菊之約菊僅百數十盆不逮吾鄉大峯廟菊也携伴隨時散步經三寶佛廟佛三均石製廟內懸巨鐘一聲宏亮其外又有泥塑巨佛一尊高逾數人地上石柱石礎甚多有孤立者有欹倒者莊嚴實刹化爲荒邱可慨也夫旋登城闈俯視全城歷歷在目見屋宇零落人煙絕少斷壁頽垣觸目皆是尤深慨歎漳浦古有金縣之稱今竟荒涼至此所謂一盛一衰循環剝復者信而有徵也入大街稍覺繁盛鼓樂迎面來初以為係吉凶大事及近前僅有菊花一盆盛木器中云係今日賽會得獎者晚赴蔡輔國君廷佐飲約餚饌雖盛與胃口之習慣不合終席而還

十九日記

天氣清明邑紳多人來見次兄言城內演劇建醮遂同佳眉三人往觀採風問俗意也舞臺設街中甚狹小尙未開幕信步至陳家祠祠前搭棚一懸汽燈佈置頗嚴整祠內陳佛像列米斗斗貯刀尺豆穀等物燃油燈其上云以祈福也久之劇開演整束一如潮戲演唱亦如之特潮戲規模較好此則組織簡陋英雄無用武之地爲稍異耳興盡歸來次兄謂陳家祠有道士二人飾爲主婢登臺度曲年均不惑而裝爲妖嬈之態殊堪發噱云

二十日記

邑紳云城內遭洪楊之亂殘殺數千人自此遂漸次衰落前有丁男萬餘今則僅存強半連年鼠疫霍亂時有發生最近復有童痘孩童死者數百凡發爲痘疹者均可生存否則不能治也此次建醮即係平安之家釀貲以酬神庥者故如此熱鬧云午正周君下鄉辦案管獄員柯定侯君安邦勸學所長陳敬承君啓芳來見飯已馮禹弼君昌言邀往淇園消遣歸時鐘鳴十下矣聞陳家祠演潮劇即偕梁

閩南遊記初編

五 廣州東雅印務有限公司承印

伯涵專員廣恩鄧葆廷科員承宜及禹弼往觀余素不喜之以其聲容淫靡也今在異鄉甚饒興趣

廿一日記

是日雨公牘山積一批閱之午後閱閩南新報有陳覺民送周君洩漳浦詩三絕錄後

蓬萊深處有清泉

清泉岩鑄有蓬萊深處四字

灌入冰壺吏亦仙不道臣心原白水一琴一

鶴亦前緣

紅羊劫盡遍瘡痍鐵血模糊到處悲試向吳公坪下過杜鵑啼是幾多時

漳浦杜鵑

最多是吳公坪

石上煙沈丹竈冷

志稱葛洪曾在巖前月落海雲深

望月學仙之處 葛洪已

去宮人杳如此仙蹤未易尋

晚餐禹弼添饌邀諸同人同桌而食此間飯菜欠佳惟有王京白菜味殊甜美余時買此佐以魚鮮豚肉等物頗可口飯後蓬中寄到司法公報閱郵局墨印知十

一月十四日自蓬洲發今已八日矣同時接到純侯四弟來函係十五早自汕頭發在路亦歷一星期始知信件轉遞甚緩前之不可解者今始釋然矣與鄧科員閒談半時作書復純侯言離戰線甚遠又具家稟鈔日記附呈時方三鼓也

廿二日記

晨起閱清律同事均外出衙齋寂靜甚覺無聊午後發文多件定侯來見四時蒞監獄看守所附設其中囚室湫隘滲漏多處設備尤簡陋使非另擇適宜地方重新建築殊於衛生有礙惟工程浩大復值軍興之際籌款未易言也無可設法之中暫籌因時制宜之計惟有因仍舊貫而逐漸改良之如去穢垢以保衛生准分居以免擁擠嚴梭巡以防逃逸申禁令以杜苞苴皆刻不容緩之計其細則當於公餘手訂之收押所中者多屬傷害罪嫌疑人此輩所犯甚微情殊可憫亟宜早爲判決以免久羈囹圄也回署聞沈冠老攻克瓊崖爲書賀之

致討龍軍總司令沈公冠南書

十一月廿二日幕下士陳宗鑑白歲月不居睽違逾載每念旌鉞思何能支討

閩南遊記初編

龍之役羸弱未從西望雕題耿耿無已自入八閩音書梗塞明公破敵匝月始聞具賀稽遲幸勿深罪高雷瓊崖實自險固以言地利潘山雄鎮獅子峭拔雉堞完整南海蒼茫以言軍容健卒萬人精礮數百餉積山積子彈雲屯憑險負隅未易破也明公孤軍深入轉戰經年艱險備嘗智計百出而敗將盈百負籍迎降殘卒數千繳械奔竄高雷戡定瓊崖肅清古之名將何以過乎勞苦功高宜稍頤養然鑑則以公之負荷猶未完公之立功猶有大焉者也夫龍氏妄人耳而瓊崖督礦小站練兵北廷不惜羈縻之利用之此其志豈須臾忘粵哉又豈須臾忘西南哉北方軍閥之視西南猶島國之視中華也征服而統御之固所苦心而經營者今雖迫於外論盛唱和議然野心遂從此戢乎兵甲遂從此弭乎鑑不敏竊未敢以爲然也何以言之吾國爲數千年專制舊邦一旦毀棄舊有之禮教制度而言共和其枘鑿不相容不待智者而後知也人各欲逞其自由而大亂起矣大亂之後必有英雄豪傑崛起而以武力爲統治之具史冊彰彰莫或反之英吉利革命之後有格郎威爾之專制法蘭西革命之後有路

易拿破崙之專制其最著之例也和議而成得以苟安固吾國之福吾民之幸不成則干戈擾攘寧有已時及今修我戈矛厲我士卒他日馳騁湘楚牧馬幽燕破數千年戰爭南絀北優之定例而公之負荷完公之大功立矣豈不盛哉豈不盛哉明公其熟計之

廿三日記

是日微雨旁午周君回總司令有文到縣令禁警役包賭收規查此項行爲刑律無處罰正條設有犯者應如何問擬煞費研究也閱大理院復廣東高審廳函謂包賭收規情形不一應就具體案件研究其應否構成犯罪不能一概認爲賭博共犯云亥正安眠睡夢中爲地震驚覺計震二下窗戶有聲較十八日爲烈

廿四日記

天氣放晴送禹弼回漳州署有稟陳當道事余亦決於明日往漳邑紳楊搏九君士鵬衆議院議員也因不嫌於羣小輒生構陷之詞當道有嚴厲查辦之意遂致彼亦一是非此亦一是非糾結支離案牘盈尺余以楊紳爲邑中耆宿保全實多

閩南遊記初編

七

廣州東雅印務有限公司承印

石齋先生謂上樂鏗馭則下樂嶮險上喜告訐則下喜誣陷誠知言也又云當此南北交訌奈何與市井細民申勃谿之談收睚眦之隙語見明史黃道周傳以示楊紳其釋然無爭乎是日續奉家諭諭中詩敬錄如左

閱三兒初到漳浦日記成詩六章卻寄

潛園主人

汝身別我行我心隨汝往恨我阮囊空累汝歌鞅掌拜別出里門風塵殊泱泱奔走謀衣食干戈還擾攘取道入詔安徒步停雙槳山宮口距詔安僅廿里因水淺停舟徒步暮抵仙塘鄉疏星雲樹晃同行計六人次三兒及任君佳眉各攜從者一名安得層軒敞地無客棧鄉民因係政界中人疑懼不敢納幸遇涂姓者招待開書幌鷄黍夜留賓蕩滌塵襟爽一枕臥羲皇時作出塵想

行行重行行訪友入東籬話舊二時久信步文公祠儒將周公瑾謂周長具膳快朵頤賃得肩輿至組織甚離奇鋪氈當坐褥持傘障晴曦乘輿如乘馬六轡詠如絲輿式雖單簡却於瞻眺宜仰觀還俯察心曠更神怡沿途好風景瀏覽一無遺翻訝潮州式籠罩似罍罍

輿經百洲橋復過羊尾嶺嶺高多石級天梯開靈境飛鳳入丹霄風山嶺亦極峻赤嶺

勢峻整薄暮抵梅洲夕陽明樹頂梅洲富庶區是地為詔安屬之富庶者距縣城四十里幸無風鶴

警路政惜不修購物殊多梗風俗愛淳良汲古得修綆與學人知枝棲小學堂寒爐

試佳茗鄉外有梨園觀劇聲依永婦女屏鉛華不侈容妝靚劇場食物備購歸

慰清醒續登作匡牀安眠萬籟靜蚊蟲無相侵亦算蓬壺景

客子苦行役連日太常齋飯蔬與飲水澹泊寫吟懷昨宵購食物攜歸分外佳

小試和羹手鼎彝巧安排沽酒酬寒菊添薪仰古槐途中淡食初一早次兒督率僕役將昨宵所購牛鴨

等物加烹烹征途廿四里墳笮一曲諧夜宿雲霄縣秉筆報吾儕在雲霄時三兒繕家書報

我並呈初二復出發微雨作陰霾片刻旋晴霽竹橋過山來林深箐復密煙嵐

處處皆小憩古神廟殿宇長莓苔充飢非畫餅止渴非望梅過破頭嶺齋嶺後於破廟啖水菓餅

飢渴解旋陟盤陀嶺可有字摩崖

升高必自卑峻嶺百餘丈路徑既崎嶇攀躋尤勉疆輿夫不敢前頓作卸肩想

拾級步雲梯奮身宜勇往但覺天當頭何妨泚在顛須臾踞嶺巔培塿皆塵壤

閩南遊記初編

天下無難事心專氣力長嶺過復乘輿王道漸坦蕩巖險化為夷履破應思杖

長歌蜀道難李白才無兩寫景入幽深讀之神為爽緊余望遠人深宵勞想像

漳浦古金縣富庶世所稱自歷紅羊劫兵燹苦類仍迄今數十載暗室貼孤燈

元氣太斲喪傷哉感廢興地曠人亦稀瓦礫如高陵屋宇多傾圮古跡半無徵

太息復太息令人慨歎增喜得賢官吏撫字力能勝世途雖混濁宦海自清激

民淳盜賊少年豐禾黍登願汝勤佐理咸熙庶績凝

廿五日記

因有漳城之行不能安睡醒時覺風雨瀟瀟至為敗興乃喚醒從人燒水烹茶早

起甚寒殊戀衾枕六時許起程至一處下輿購餅充飢詢距城八里屋宇多半傾

塌雨中經此益覺荒涼滿目也旋登水磨嶺甚崇峻高唱大風泱泱之歌泉聲奔

騰澎湃若相應和又登不孝嶺漳浦嶺至長橋休憩雨終日不息無心瀏覽風景

但覺踰山越嶺吃飯數次而已日暮至馬公橋步行四里道路泥濘輿夫取稻草

鋪路方得通過余因本署解款者均一日到漳故亦欲於即日趕到輿夫屢以停

宿爲言均不允許距漳約十餘里路昏黑不可辨乃燃燈籠光綫仍不足暗中計行點餘鐘至一處覺甚光亮掀簾見有電燈方知已抵漳州城外又許時始達客棧大雨如注此處旅舍以大吉館爲最惜已住滿祇可暫寓衛生泉房舍雖陋長行得此覺不下廣州之東亞香港之英皇也詢此處名少司徒街今日兩行九十里夔屈終日頗覺煩悶幸衣服尙未淋濕否則殆矣漳州唐垂拱二年置天寶初兼置漳浦郡元爲路明清爲府民國廢府存縣今日漳州仍舊稱也

廿六日記

雨後初晴九時定侯來見渠日前來漳亦寓此棧據言昨晚聞有漳浦科長來故來一觀此邦山川回互間以平原號稱富庶云盥洗畢開窗閒眺無意中遇楊鐵生君兆麟十時命駕訪友定侯言此處前極繁盛南詞土娼共約數百人南詞規例打茶圍需費二元朔望開天官需費五元大局則無定價均與汕頭同惟叫局需五金價獨昂爲稍異耳土娼專供過宿二金至四金不等亦與汕頭下娼無異然比較尙較廉也疇昔爲行樂場何等熱鬧自軍隊來後大受摧殘羣花有他去

閩南遊記初編

九

廣州東雅印務有限公司承印

者有賃民房居住者鶯燕紛飛空餘臺榭不禁感慨係之其住民房者暗中仍營業惟須得熟人導引否則無從問津焉輿到遂行一路見民居殊狹隘張篋扁以代門簾有一座較宏敞詢是洋行經粵軍財政總局縣立女子國民學校蒙養園元妙觀等處折回而至粵軍總司令部部極宏壯係前之府署民國成立鎮守使駐此投刺謁卓如延至辦公廳計三房右總司令室左參謀長室中機要室邀入左室暢談並介謁政務廳長徐聖禪君梓繼往鎮署訪副官長袁作霖君璋明參謀劉史侯君學修號房言均往石馬遂乘輿登指山因聞山在城內居高瞰下瞭如指掌故亟欲一遊也途經第二預備隊司令部詢悉黃幫統耀卿駐舊考棚爲必經之路抵山麓提督學院在焉堂舍倒塌幾無完瓦曷勝浩歎唐太宗以後世變本加厲士遂謹守繩墨時首估畢舍科名外無他事此斷壁頽垣中不知埋沒英雄幾許也科舉廢而學堂興士習由迂拘變而爲放縱藩籬一撤而天下從此多事矣何所見之左耶明史黃道周疏曰凡絕餌而去者必非鱗魚戀棧而來者必非駿馬以利祿象士則所象者必嗜利之臣以筆楚驕人則就階盡爲黃君紫處驅者必驚駭之骨觸日與感附誌於此願乘國鈞者加之意焉

適值外出留片致候棄輿由署內上山山較金山高風景則不若金山在潮安城北頗幽致余十

年來萍蹤靡定雖在桑梓地竟未一遊去年護國軍攻克潮城總司令部進紫山上余居此匝月軍書之暇凡獨秀峯鳳凰臺伏虎石諸勝飽覽無遺曾爲文以記之山半有井碑鐫古甘露井民國五年道立苗圃所重浚者極深潤上覆巨石鑿圓孔二以便取汲輿夫言闔城水均鹹獨此井水異常清甘更百餘武有道立苗圃外圍竹籬內植緬甸合歡及木棉等類雖不完備尙具規模較吾潮連此雛形而無者猶勝一籌也再上有峯三均於峯頂築石亭尙完好入亭內縱觀覺城極廣南北六里東西五里之說爲不虛矣城內樹木繁茂一望皆是屋宇掩映濃陰間有洋式樓房聳然獨立則某醫院也曠觀移時胸襟開朗日來在輿內局促悶氣盪滌無餘矣亭外有舊式巨礮一尊前爲利器今成廢物鎔解而利用之不愈棄置於此乎更上第二峯亭尤高俯視一切可二十分鐘頗覺勞乏遂不登第三峯亭山半有石刻溪山第一四字頗秀脫由院內上輿歸途見一人迎面來頗面善渠亦注視不瞬旋悟卽是耀卿因往來匆忙故遂交臂失之深以不及周旋爲憾回寓頗覺困倦飯已外出經觀音廟入內參觀神案前圍以方形木欄憑欄俯視下有穢水甚深詢廟祝何爲不覆以石任其薰蒸荅言有此已三二百年蓋有

閩南遊記初編

十

廣州東雅印務有限公司承印

風水作用也出廟經牌坊數座達聖廟殊樸壯惜已黃昏不及入謁

廿八日記

舊友樓君因款項事爲總司令看管擬往探視乃倩伍縣長爲函介紹以便攜交管獄員彭君書就興辭詢途抵署彭適外出在內坐候久而生厭迨由總司令部重來則彭君返矣無何引樓至傾談甚久原擬致送費用渠言尙有數十元遂不果安慰後諄囑彭君優待再進總司令部詢悉卓老同競公往江東橋悵悵而返途經舊道署亦完好連日歷觀各衙署寺觀規模均較潮州宏敞市廛亦繁盛覺事事不讓潮城也經屈臣氏藥房店夥廖錫標鄉人也有叔名子明爲藥房經理立談片刻回棧所事已了頓動歸興惜輿夫均于役江東橋欲行不得祇得訂定明日動身從人持呈某君片言適差人邀叙余思事已談畢尙有何語方擬往會忽聞有聲隆隆似是鳴礮詢是試演機關鎗鉅此甚近乃往一觀鎗置池邊聚觀多人無隙地鎗彈向池底擊射聲甚巨立觀數分鐘方往某處一路均認識無待指途矣某君延入室內移凳近前余以爲有秘密相商乃許久仍未提及片請事